

光緒重修安徽通志

重修安徽通志卷二百三十六

人物志

孝友三

徽州府

唐黃芮歙縣人割股為羹以愈繼母病父卒廬墓終身墓側產

芝及連理木貞元十九年旌

一統志唐書本傳

南唐戴奢字君儉父安保大中守新安遂居休甯奢母廉氏卒

葬於歙廬墓不忍歸人稱孝隱先生

休甯縣志

宋王六歙縣人母病瞽貧甚依親金氏久而厭之六甫九歲掖

母歸刈薪以養事聞旌表

江南通志

王延釗婺源人以孝弟世其家至曾孫德聰等遞領家政一稟

延釗法一家數千指同居七十餘年天聖初旌

江南通志婺源縣志

曹矩字晦之休甯人景祐元年進士官屯田郎中以孝聞其任

都官日馳贈其父汝弼殿中丞燎黃之夕芝產塋上事聞詔賜

所居爲孝芝里

江南通志  
徽州府志

祝確字永叔歙縣人親喪廬墓兄弟先後死熙河萬里徒步以  
歸其喪親舊有盡室病臥者確每旦攜粥藥徧飲食之凡遇貧  
乏輒傾財與之無吝色爲郡學錄識朱松於諸生以女妻之生

朱子

一統志

程四歙縣人幼孤鞠於姑姑病革四曰吾幼失怙恃姑猶母也

當報德乃焚香取髓爲粥以進姑遂愈

江南通志

夏俅休甯人早孤孝養其母母卒廬墓墓生瑞竹又生芍藥並

蒂者二鄉人號其堂曰雙應

江南通志

陳克己休甯人母有疾女割股婦繼之克己又剖其肝母病尋

愈同邑鮑乙母垂亡乙焚香盤胸取髓煮粥以進遂愈

江南通志

州府志

汪廷美婺源人百口聚居食必同席非祭不肉遇忌終日齋祥符中減賦美亦減其田租有鬻香者去後發其裹得金追而還之平生善行甚多人稱汪長者

江南通志

張珏字公予婺源人弟滋呈誤法當死珏曰吾力單微養母不如弟自拘有司遇赦徙邊以是見知於韓世忠從討叛寇補官後從朱弁使金還以病乞歸詔旌其坊曰昭義授銀青光祿大夫有竹溪詩稿三十卷朱子跋之稱其孝友絕人有古篤行君子所難能者不獨其詩而已

江南通志徽州府志

詹惠明婺源人父坐法當死惠明求代不許獄上復詣郡請贖指出血書詞甚哀方盛夏伏府門外自灼其頂太守曾統見而

憐之明日至庭下曾方閱狀忽自割其耳血淋漓曾大驚竟為

奏報詔減父罪錫惠明錢帛改所居為孝弟里

一統志徽州府志

俞康直黟縣人先世有業在錢塘族人擅其利不問會他族訟

官來歸康直與其弟弟曰吾父兄不之有吾烏乎有之亦不受

卒與族人康直舉孝廉方正為睦州通判後監洞霄宮

黟縣志

汪權經婺源人父疾割股及卒廬墓無親昆弟田產屋廬悉以

公同堂伯仲嘗輯祖籍百餘卷藏之曰子孫賢願得寶遺書足

矣

婺源縣志

滕鉅婺源人幼聞朱子之學務為實踐兄疾走千里視療兄卒

撫姪如子景定初舉孝廉不赴從弟鎰母患疽自吮其毒喪明

復舐之得復明

徽州府志

鮑壽孫歙縣人宋末盜起里中父宗巖為賊所得縛樹上將殺

之壽孫泣拜願代父死宗巖曰吾老矣僅一子奉先祀願自死

盜兩釋之

宋史鄭綺傳

按鮑壽孫欽志所載與宋史不同今從宋史

汪標婺源人父復通判揚州德祐末兵至復端坐不去兵欲執之標時年十四以刀拒斃一兵左右負復走眾遂殺標丞相馬廷鸞曰能執干戈以衛父母世不乏童汪錡矣

江南通志

盧鏐黟縣人爲郡學掌儀居於郡城母唐病危藥弗瘳刲股食母母隨以安郡守魏克愚上其事建忠孝坊

黟縣志

汪宗臣婺源人咸淳閒雨中選入元不仕與弟季洲孝友天成子姪四百餘指同居數十載和氣雍雍著有世乘窺斑及紫氣

集

婺源縣志

周元深祁門人元兵至負親入山得免及親卒廬墓三年

祁門縣志

汪元字元善黟縣人四歲喪母哀毀如成人  
事繼母以孝聞昆季三人元居次稱友愛父喪哀毀終制無違禮當景炎丙子羣小竊發肆屠掠元所居鄉安堵如故

黟縣志

元朱汝清字震雷休甯人兄汝賢字震賢宋咸淳間進士授浙江常平司提舉有政聲入元不仕隱居顏公山里人建祠祀之汝清天性醇篤官明州府同知與兄汝賢弟汝弼汝輔同居無閒言出家財獨建休甯儒學鑿山爲渠引水建塙灌田十餘里鄉人永賴又置義庫義倉以賑貧乏

元史孝友傳  
休甯縣志

程天經休甯人幼失怙恃祖母鞠之九歲遭亂轉徙流離孝養備至亂定歸鄉營葬先塋卽葺屋廬墓側以守之

休甯縣志

汪德新祁門人父卒廬墓三年

祁門縣志

鮑元鳳歙縣人元季寇亂鳳與妻子訣曰吾有母不能汝恆遂

負母避巖穴亂定歸薄暮恍若神導得與妻遇其母喜極而泣

曰天也

江南通志

黃一清字清夫休甯人母病亟一清籲天減己算以益母夜夢

神曰明日有老嫗來當得藥旦果有嫗授以啖蜜法而無從得

蜜乞之鄰鄉夜還遇虎號泣曰我死不足惜如母何虎熟視而

去

江南通志

戴靖婺源人父卒與弟焞炯同廬墓三年朝夕奉盥上食如生

客至兄坐弟立老而不懈所著有歷代人臣龜鑑二百餘卷世

稱三戴

江南通志徽州府志

許文福婺源人以孝繼母聞至順中徵爲潁州屯田總管官以

親老辭母卒涕泣喪明

徽州府志

吳達休甯人母年八十久病癱瘓起居飲食親爲扶持同時祁



門李廉侍父疾三年不解衣帶歲饑民盜擄其魁散其黨出粟

以賑

徽州府志

汪俊德歙縣人幼孤侍祖避亂途遇寇欲刃之俊德涕泗求代賊異而釋之少從鄭玉遊玉死節以孤託俊德撫之成立嘗割已田易地爲莘墟塲渠鄉人德之歿而祀之於社子積善道得金珥守之一婢哭而來還之後因水漲候渡有拜河干者則其婢與夫也延款其家水忽大漲覆舟積善得免

徽州府志  
歙縣志

汪益謙字受之歙縣人至正初江南寇起誘殺其弟良都益謙率鄉團三入賊巢奪第尸出身被數創及樟塘而歿

國朝道光閒

旌立坊表

歙縣志  
新增

明汪葵黟縣人生值元末隱居不仕每晨攜斧入山又歲留芋

數百石亦負運而去如此者十餘年後元亂兵變邑人竄匿無所葵引入深山村舍宛然部分居處發牆爲糜食之蓋累歲菑芋所築者性孝友父疾衣不解帶者二年號泣於庭有烏銜草墮其前拾草煎湯以進父遂愈自是每晨散粟飼烏

國朝乾隆二十八年

旌表

江南通志  
黟縣志

程勝績溪人洪武時坐黃冊遲慢被逮其弟寶賢爭行勝曰爾生母在堂且無子不可棄母而絕後但父母未葬爾其圖之遂

死京師

徽州府志

江彥良歙縣人洪武時父歿於客邸星躋露宿奉檝歸而母亦卒喪葬如禮弟妹俱幼彥良服賈以養以婚以嫁辛勤數十年家道漸裕盡均之諸弟一毫不私邑有兄弟爭產致訟者邑令

曰獨不聞江某耶其人愧謝去不復爭

歙縣志

金彥文休甯人三歲喪父舅奪母志祖父撫育成人採薪負米以供祖養後母復寡迎歸卒哀毀踰禮廬墓三年虎過廬側不爲害人咸驚異

江南通志

吳修休甯人幼孤事母孝鄰火延燒百餘家修抱母號天火頓息母卒廬墓羣鳥來巢成化中旌

江南通志

方安居祁門人父卒廬墓

祁門縣志

許岳祁門人明初父以誣議辟岳請代死後以冤白得免

祁門縣志

張信婺源人母疾割股療之母遂愈及卒廬墓永樂中貢入太

學知永福縣

徽州府志

畢文璟歙縣人父卒淚血幾喪明母病割股療之又洪祖鮑文

行李士景皆歙縣人割股以愈母疾

江南通志  
徽州府志

鄭慶師歙縣人父存仁爲常熟縣丞以事謫戍嘉定衛發其家  
赴戍所至池州母病甚慶師夜祈北斗請代割股以進母痊而  
慶師病至嘉魚縣遂卒葬於縣旁之原至今稱爲孝子墓歙縣志

程完祐祁門人父卒廬墓哀毀而卒

祁門縣志

葛泰績溪人母疾篤思食生梅時已八月泰每遇梅樹涕泣盤  
植竟得之持以食母而愈又婺源汪用耕母病不解帶者五旬  
思食楊梅登山徧求呼天而泣得紅熟者以進疾遂愈

江南通志

州府志

汪勝祖祁門人父母卒皆廬於墓烏巢其楹芝生於側

祁門縣志

黃新仁祁門人父歿廬墓三年同邑鄭思熹程宗洋皆以廬墓

聞

祁門縣志

汪存歙縣人割股以愈母疾嘗隨父商歸父捨舟先行人盲前

途多虎存冒雨追之行四十里始及果遇虎山陬存泣告天願

虎傷已勿傷父虎竟去

江南通志  
徽州府志

何澄歙縣人嘉靖戊子舉人割股愈母疾出繼族父後有爭繼

者澄推讓田產無所取而歲時祀事不絕嘗夜行拾遺囊守其

人而還之

江南通志  
徽州府志

方德興績溪人母病疽親為吮血衣不解帶

徽州府志

許欽績溪諸生母卒廬墓三年父繼卒結廬守哭亦三年宏治

中旌

明史孝義傳敘  
江南通志

吳鼎歙縣人與兄鼎弟珊客黃州眾夜鬪殺人誣鼎吏捕之急

鼎不知所出謂曰兄年高無子弟為老母所憐皆不可死願代

兄以塞禍遂詣吏就繫鼎冤之求直不已謂曰必無生理不若

保餘貲善事老母撫弟姪立門戶毋以弟為念也其夜具衣冠

白經死黃州人傷之請於府禮葬焉

江南通志

舒壽安黟縣人事親孝友愛二弟親歿卜地以葬術人曰此誠吉壤惜不利於伯氏壽安曰卜兆期安先靈他何求遂葬之後仲季支裔繁衍而壽安後亦寢熾人謂孝友之徵

黟縣志

汪有恆休甯人父疾不解帶者累月及卒廬墓刻像以奉有仇夜火其廬夢有呼之者得驚起抱像出復葺以居母年百歲卒復廬墓三年子尙和亦孝友不干祿仕

徽州府志

黃鑑歙縣人父久商不歸鑑兒時問父安在輒號泣不食年十四告母行訪其父與弟訣曰不得父吾不返矣至黃州遇一舟舟人相謂曰彼少年甚類爾鑑心動亟登舟詢果其父相持慟

哭同歸

江南通志  
徽州府志

潘選字玉選婺源人宏治乙丑進士知江山縣入爲戶部主事

歷山西僉事貪吏望風解綬乞養不得遂棄官歸母病思食鯽  
急不可得自解衣入池捕之果得二鯽母病遂愈母卒哀毀七

日亦卒

徽州府志

汪讓休甯人年已八十一夢神告賊發冢急視之賊逕遂廬墓  
側病革始歸嘗夜行逢虎以手探之甚馴朝跡其處齧犬去矣  
里中五穀神為厲讓檄而滅之汪循為作鐵漢傳曾孫濂孝如  
讓父卒母程欲身殉濂衣不解帶同臥起二年得不死

江南通志

州府志

鄭泗欽縣人父母卒俱廬墓三年紫芝生其旁白兔馴於側嘉

靖中旌

徽州府志

許象先字汝賢欽縣庠生父歿於淮奔喪無晝夜母繼歿哀毀

十五日亦卒

江南通志

王靖祁門人成化丁酉舉人百口同爨尺布不私後官交河知

縣以節操聞

江南通志

余燧婺源人二兄繼卒辛勤撫其遺孤及析簪父以家道之成

由燧命之倍燧不可卒三分之

徽州府志

吳樓字用觀歙縣庠生母病衣不解帶者數月及卒廬墓三年同邑程大熊庠生母歿廬墓三年又胡賓王婺源人母卒哀毀幾死結廬墓側朝夕哀奠者三年

徽州府志

程振歙縣人少失母事父及繼母盡孝父疾祈禱願減己算以益父既藥石不效割股進之遂愈父年八十一卒振亦垂老厝柩於野去家五里振夜必往寢於柩旁其初居喪庭中紅花忽變而白貓犬戾甚變而相馴

徽州府志

方尙用歙縣人父患痢刲股煎湯以進遂愈尙用死母病噎夢



尙用泣告曰孝齊可愈如其言食之果痊人皆詫其生死盡孝

江南通志

謝用祁門貢生父永貞

徽州府志作正陽

生母馬氏永貞外出嫡母汪

妒而嫁之五月生用永貞還抱用歸寄乳鄰媼汪聞而收養之

踰年汪亦生子厥愛維均用冠始知所生密訪之則又他適矣

一夕宿休甯農家有寡媼出問之告以姓氏及尋母之故媼曰

若母爲誰曰馬氏媼曰若非永貞之予乎曰然媼抱用曰我卽

若母相持而哭用歸告父并其同母媼迎歸居別室後汪感悔

迎馬同居永貞卒用居喪盡禮鄰人失火延數十家至用舍風

返火息事聞詔旌其門

明史本傳

謝廣祁門人父求仙不返廣娶婦七日卽別母求父遇於開封

逆旅父乘閒復脫去廣跋涉四方垂二十年終不得聞者哀之

所史趙

重華傳

唐宗傳績溪人四世同居宗傳總家政毫無私入親戚遇禍患  
者必爲之慮處周詳子士顯建合族公祠出祭田以俟祠事同

邑唐詔諸生亦四世同居好行其德

徽州府志績溪縣志

余朝卿黟縣廩生性至孝母葉病癱瘓飲食必親扶牀垢必親  
澣與弟友愛無私財

黟縣志

程相欽縣人自祖父遠以來至相三世百年同爨期總數百捐  
友愛無閒嘉靖時巡撫陳鳳梧召相及其叔泰進見待以殊禮  
命郡守鄭玉手書百忍遺風旌其門鐫泰相名於里之節孝坊

徽州府志

余準婺源人少孤事母孝母疾籲天求代嘗做浦江鄭氏家法  
立規七章設義阡置義倉斂無棺賑匱乏著有明倫內外編

徽州府志

府志

程伯祺績溪人父卒哀毀廬墓插竹編籬枯竹生筍蔚然成林

同邑朱廣父病籲天求代母病刲股愈之及父母卒哀毀廬墓

江南通志  
徽州府志

汪安學周承昌周仲俊胡訓皆績溪人以割股救親聞又王汝

永父患痔跪吮其瘡割股以進及卒廬墓

績溪縣志

趙舜卿歙縣人父令閩清同庶母卒於官舜卿聞訃哀毀晝夜

馳往奉二槻歸廬於墓側

徽州府志

何德新黟縣人家貧採薪以供孀母母病刲股及卒廬墓三年

同邑舒其芳母病與妻江氏同刲股療之後江病劇孫紹復亦

刲股和藥而愈

徽州府志

汪之傑祁門庠生父商遊不返求覓經年行次壽春知其溺也

臨河號泣欲以死從壽春人憐而慰解之郡守勸以母在招魂

歸葬廬墓哀與終身不御酒肉

徽州府志

巴鼎歙縣人父久病鼎侍湯藥寒暑不懈汗穢在牀親爲洗滌  
父病亟念幼子貧無以自植出三指示鼎鼎曰大人母以三弟  
爲念兒當力撫之父遂瞑鼎鼎營治生產婚娶先弟姪而後及子

一錢尺帛無私

徽州府志

邵正林休甯人善畫及製墨母病刲股療之及卒刻木爲父母  
像以事汪道昆爲紀其事

徽州府志

程邦仁歙縣人弟邦儀以爭先塋與族人訟不獲伸赴水死邦  
仁痛之誓死以報體肥不耐步履每日負襁被身挂二尺筒貯  
水漿疾驅中庭旋轉不已人疑其顛久之遂健行聞沈束出爲  
郡推官乃走燕邸訴冤沈哀之抵徽閱故牘出邦儀驗之邦仁

撫屍一慟而絕觀者萬人哀動山谷東雪其冤論抵江南通志

王積歛縣人兄早卒遺孤僅二歲積與妻陳氏早夜提抱以至

成立為之娶婦又客死歸其喪遺孤在襁褓積撫之猶前撫其

父也積年六十從孫猶未冠以貲產分界之不厚其子積起貧

饑撫孤二世高行足為澆俗勸云徽州府志

許立德歛縣人大學士國長子母汪氏病噎不食立德亦不食

母歿遂以積餓哀毀死三日復甦彷彿見母送之歸既葬廬墓

側日夕悲號父佯稱病召之歸念母慟哭父亦哭後恐傷父心

輒走哭他所盡哀而返屢當陰並讓其諸弟江南通志

胡之憲歛縣人母病篤之憲年十歲其姊玉娥年十三相向哭

憲謂姊曰聞病危惟割股可救遂同拈香告天剗股和粥進遂

愈天啟開旌曰雙孝之門明史孝義傳敘

江南通志

尹夢炎歙縣人弟夢昌夢呂夢友皆童子也母病瘵夢炎夢昌藏小刀令夢呂縛臂割肉進母夢呂曰均子也有一不割其可忍耶惟夢友少可掩而圖之夢友知之不可謂必先割我我乃無號遂伸臂交割以進母飲而甘之父聞而加詈焉路人爲之流涕同邑許嘉賓年十二割股愈父疾方矜式亦童子許性本年十三皆割股療父疾又祁門程鵠年十二父卒刻像事之孺慕終身同邑洪應培九歲割左脅以療母巡按旌之給衣巾免徭役績溪胡大助年十三割股愈母後母卒廬墓三年婺源俞繼龍年十五割股愈母疾同邑董昌正戴逢洽皆童子並割股以愈母疾

徽州府志

吳榮讓歙縣人父歿於楚榮讓年十四卽往尋舟覆鄱陽緣木獲免得父骨於襄陽藁葬誌之越十年復往昇歸遞葬高曾以

下及親戚之無主者凡十九喪建宗祠置義田義塾天啟間旌

明史孝義傳敘

江南通志

胡廷瑞績溪廩生親喪廬墓六年朝夕泣奠膝成黑胛同邑方

正母葛孀居有弗懌輒爲童戲以娛其心母卒兄弟建夢我館

於墓左朝夕哭奠事聞得旌

江南通志徽州府志

汪宗淮祁門人父客亳州妾宋氏生淮父卒淮僅三歲隨嫡母

扶櫬歸比長往尋母已他適踪跡至陝一日值風雨憩道旁一

老嫗荷鋤田閒偶詢之卽其母也相抱哭奉以歸

江南通志

徐尙文歙縣人父卒偕弟尙元廬墓三年同邑畢力道事父孝

父卒侍兄疾刺臂和藥以進

徽州府志

余鎬婺源人父以冤擬大辟繫郡獄鎬自縛請代郡守哀其孝

許之後得白

江南通志

潘鼇字希鼎婺源人嘉靖甲午舉人父卒廬墓三年刻像以事

後仕武陽令祀名宦

徽州府志

按祀名宦者當入宦績檢府志無事實可考姑仍其舊

程蒙恩婺源人母病刲股愈之父卒廬墓

徽州府志

蕭樞歙縣人母李笄年守節遺腹生樞母疾刲股和藥得愈及

卒廬墓有兔馴芝生之異

徽州府志

汪朝京字錫之黟縣人嘉靖丙午舉人母卒廬墓羣鳥畢集父

爲樂平令卒於官跣足扶櫬至和州渡江舟將覆朝京號天大

慟俄風漾入淺水得免

徽州府志

程周歙縣庠生父病刲股以進族人利其產誣周殺父幽獄三

年遇朝審周至庭風雨大作及開棺天日清朗父死三年貌如

生乃以鼓樂送歸

江南通志

江應全歙縣人父歿兩月而生遇父忌輒悲號母疾與妻同割



殷進居喪廬墓哀毀事聞得旌

江南通志

汪斯清婺源人母卒廬墓終喪又嘗捐重貲架梁以通湖徑堤

壞嶺以闢通衢行人賴之

徽州府志

程琦休甯庠生父病疽琦躬吮之父嗜薯琦終身不忍食薯嘗

授徒山中聞母病夜歸顛蹶中若兩燈前導及入境始知其爲

虎也

江南通志

詹侃休甯人選閩縣尉迎養母母病咳夜需湯侃寢榻下聞咳

卽起嘗割股沸湯以進母卒哀毀股創迸裂而卒

江南通志

王弼婺源人年十六隨父之雷州任舟次南雄盜夜入舟持斧

挾其父弼以身蔽之父得免而弼負傷溺水死七日屍浮面如

生

徽州府志

吳公寬歙縣庠生年十六母喪哀毀幾至滅性與祖母胡相依

胡病篤焚香告天割股療之得愈後公寬游學廣陵疾革有僕名隨印亦割股以救之又婺源王天芳父病割股以進得愈

徽州

府志

汪鏐歙縣人母早寡以紡績易食鏐幼見之食不忍飽及長事母必順其志鄰人失火及其門而滅有司旌曰節孝格天子熙亦孝友推財讓產嘗北游歸至筋嶺心動乘夜涉險抵家得與

母訣

徽州府志

胡崇壽婺源人母疾衣不解帶者數月割股作羹以進得愈及卒結茅墓側哭奠者三年

徽州府志

許應麟祁門人母病割股療之及卒廬墓三載又休甯金九苞

母病割股及卒廬墓以哀毀卒於墓所

江南通志徽州府志

吳應麒休甯人幼孤依祖祖歿哀毀骨立念父不逮養終身不

聽絲竹弟析產後蕩其貲復分己產與之江南通志

汪德壽休甯人居母喪淚盡繼之以血廬墓三年父卒亦如之

江南通志

汪知進婺源人父病刲股母喪廬墓紳士欲表於朝泣謝不許

徽州府志

邵燕休甯人八歲父得心疾啼泣追隨不解衣帶父愈乃已萬

厯癸酉舉於鄉將上公車心動而止無何父疾卒哀毀骨立卒

於苦次得旌立祠徽州府志

汪尙質休甯人少孤事兄撫姪備盡恩誼四世同爨無閒言江南通志

通志

周昱黟縣庠生家貧事親能養志兄以疾廢業贍之終世撫弟

尤篤三世同居無閒言黟縣志

李仕昌婺源人兄仕選爲仇家誣構殺人逃匿逮仕昌擬抵罪弟仕昭訴曰縱兄逃者我也仕昌曰兄逃我長二人爭求坐成

疑案後事白得釋

江南通志

吳仲成休甯人成化閒以孝旌

江南通志

程家相歙縣人親喪廬墓三年領萬厯壬子鄉薦知光澤縣有重囚母病思一見憫其情卽縱之歸其母卒囚自投獄後升郴

州知州

徽州府志

汪天祿歙縣人七世同居一錢尺布不自私

歙縣志

王功啟婺源人母病危禱城隍廟願以身代旣而祈筭如所請亟歸語家人曰神許我代母矣沐浴整衣臥以衾覆面人嘆其

愚須臾視之果逝母竟愈

徽州府志

程庭楨歙縣人母病劇割股不效旣卒撫尸痛哭一踊而絕

徽州府志

府志

王世澤歙縣人生一歲父客死出一詩扇囑遺孤及長索扇已亡多方購得之每一展閱淚下不止年九十哀慕如初先是扶輿歸道遇虎從人驚散虎見世澤垂首而去董其昌為作傳并

詩徽州府志

汪思智婺源人隨父解軍南京歸舟父卒智恐舟人棄其屍以身掩護日兼人食又時作呻吟聲七晝夜抵饒州始發喪江南通志

程光琬休甯人幼年母病劇引刀斷一指禱救母果起同邑黃

琢割股愈母父葬廬墓休甯縣志

曹孜學婺源人三歲喪父甫九齡兩兄欲析箸孜學泣不忍兄感之復同居後兩兄緣事繫京師孜學傾產往救坐是貧落而

心益怡然江南通志

朱模劉燕汪應科應聘應政汪度詹鍾吉程猶嬰劉正蘭汪文

訓皆休甯人並以割股救親聞

休甯縣志

楊天琰休甯人親歿廬墓三年同邑庠生楊采章父母歿各廬

墓三年

休甯縣志

王問禮休甯人年十四割股愈母疾後侍父自浙歸父渴禮入

水拯之父出禮竟死

休甯縣志

金正賢休甯人年十七割股救母子生麗早失恃怙年十六割

臂煎湯療祖父足瘡

休甯縣志

金世科休甯人割左臂療母病又割右股療父病不痊更割足

股遂愈

休甯縣志

吳世光休甯人父病亟夫婦爭割股以進得愈及卒廬墓虎遶

廬側若為呵護者

休甯縣志

謝世麟祁門人父久客無耗千里尋歸父母相繼病篤割股救

療又嘗捐資修明倫堂建聚奎堂

江南通志  
徽州府志

余枝華黟縣人父九旬華亦七旬侍疾臥榻逾年罔懈家貧苦

水遠庭閒忽涌甘泉以供汲人稱孝感

江南通志

胡仰俊績溪人割股療親修橋賑饑卒年九十四

江南通志

吳拱宸休甯諸生幼失母及長追思不已刻像奉祀有庶弟二

行不謹拱宸恐傷父心撫愛彌加直指以聞詔擢授景陵丞

江南通志  
徽州府志

程士章歙縣人父客遼陽母孕士章五月耳父卒客所友人馮

都司者葬之高某阡付牒守焉語其僕名法者識之而歸未幾

母亦歿士章長乃同法往遼出牒證墓所具棺啟之刺血濡纓

沾枯猶潤手其骨諸指如或撫之遂奉骨歸葬

徽州府志

清煥歙縣人父病篤聞割肝可救乃以斧自剖其胸探之無有  
割肉片許和粥以進得愈及卒廬居墓側產芝數十本

徽州府志

金應忠休甯人同弟挾策江淮閒俱爲寇所獲弟曰兄能事母  
可殺我兄曰弟未有子願殺我賊義而兩釋之

江南通志

吳中良字舉巖休甯人父病刲股以進母病妻許氏亦割股療  
之家貧中良晝煨夜讀遇夏多蠹以兩足納甕中領萬歷己酉

鄉薦官武岡知州

徽州府志

汪邦謨祁門人母病嘗糞割股愈之父卒廬墓三年

徽州府志

余伯麟婺源諸生父育以舉人知竹溪縣崇禎七年爲流賊所  
執伯麟號泣請代賊殺之父得免

徽州府志

汪宏裘歙縣諸生幼失母及長聞母欲爲橋以濟外家山口路  
乃鳩石成母志人稱孝子橋父侍御督學燕都卒於官訃至宏



裘一慟出血數升往奉父柩南旋日必慟慟必血二年而卒

徽州志

府志

王汝棠黟縣人父病痢刲股和藥以進得愈子賓明廩生父疾禱天求代母病衣不解帶夜恆數十起友愛諸弟周給親族人

咸德之

黟縣志

楊泗祥休甯人父卒未葬土寇猝至守柩不去寇戒勿犯嘗復

建還古書院創紫陽六邑文會好義不倦

江南通志

吳嘉祺休甯人父爽明末官中書卒於都嘉祺號泣辭母奔喪眾以流寇方警勸勿往不聽竟去扶輓歸舟次侯仙閣遇賊縱火焚舟不忍避抱棺焚死

國朝乾隆四年

旌表建坊

休甯縣志

汪必振黟縣人父疾割股兄弟三世同爨同邑朱正綸父病割股和藥得愈黟縣志

李如楠黟縣人年十三父病割股母病又割股皆得愈又同邑

郭隅胡太臻胡振安王甯程文廣皆以割股救父母聞黟縣志

仇金發歙縣人五歲喪父母患心疾刺血和藥進之得愈又病

割股以進及卒廬墓三年同邑許美祖許珂江淇皆以親歿廬

墓聞歙縣志

程起善歙縣庠生年十四從父錢塘歸父舟火發起善在別舟

急起大呼推篷出救倉卒墮水猶聞呼救父者三竟死同邑方

祖蔭從父過甓社湖父墮水蔭奮身拯之父出而蔭竟死歙縣志

吳德翼歙縣人父病割股以進母卒不茹葷者十六年同邑洪

時芳朱子俊汪耀吳貞美汪可託胡一相畢士耀鮑文光仇允

元洪夢陽汪鳳齡汪冰玉吳應登程景祥皆以割股救親聞又

凌邦鎮割股以愈兄疾

歙縣志

許一純歙縣庠生父久不歸尋訪數年始遇於齊夜半盜登舟倉卒失父一純持盜裾索父曰我今日始見父復又失之何以生爲盜爲徧索舟中得於舵後并歸其衣囊

歙縣志

吳吉曜歙縣人母病日日夜舐之復明後又病篤割股以進得愈同邑鮑敘廉凡三割股以救父疾父又病目以舌吮之而愈

歙縣志

許世熙歙縣人奉父命游學於外聞父病馳歸而父已殯撫棺一慟嘔血數升而絕

歙縣志

張寶歙縣人父爲賊所劫寶年五歲抱父大哭求代賊異而釋

之

歙縣志

陳邦賢祁門人母病割股以進得愈

江南通志

程文甲祁門人父病割股食之而愈同邑梅正求黃嘉椿倪文

顯倪大燁倪大爲倪道素汪瓊正皆以親病割股聞

祁門縣志

汪大佐祁門人童時母疾人謂割股可救大佐誤聞股爲肚引

刀剖腹血流至死

祁門縣志

許天璽祁門人祖母目盲餵之復明母疾割股以進得愈子應

琦亦以割股療母聞

祁門縣志

汪伯薦字士倩祁門人崇禎戊辰拔貢幼失恃父游荆楚不歸

伯薦僅十齡養祖父母至孝及卒殯葬畢卽棄家尋父數年不

得自投於江同行者救之乃具衣冠招魂以葬眾勸就選泣曰

朝廷安用此無父之人遂不仕

祁門縣志

康堅字志高祁門人五世同爨錢帛無所私父耀爲從弟承糧

投解池州大同驛勞瘁而卒堅尋骨數年得觀以歸正德間助

餉十萬賜七品散官

祁門縣志 新增

鄭天廳字西菴祁門人母歿廬墓三年

祁門縣志 新增

康澄字維清祁門人九歲避兵山中賊執其父澄牽衣哭甚哀

突有虎攫賊去得免及父卒結廬墓側

祁門縣志 新增

朱光國字照鄰休甯人父為流寇所得要重資光國呼號請命

刃之不為動稱願從父死賊感而兩釋之

祁門縣志 新增

黃宜休甯人幼喪父母朝夕思慕年七歲見羊跪乳一慟而絕

休甯縣志 新增

重修安徽通志卷二百三十七

人物志

孝友

四

徽州府

國朝唐道林績溪人順治初土賊竊發拘其兄道俊偪金道林直

入賊巢替其兄出遂死焉

江南通志

程星煒休甯人父爲山賊所執星煒時年十七詣賊痛哭求代

賊叱之去堅不忍捨遂俱死

徽州府志

吳任度休甯人山寇入境被執拷索其祖以火炙腹用油髹燃

指終不言鄉勇逐賊退半日死

休甯縣志

姚際謙休甯人嘗遇暴橫挺身就繫以舒父伯之難兄病篤割

股療之從兄以捍賊遇害於兵火中覓其骸骨斂之

休甯縣志

吳敬義字德州歙縣人幼避寇父子相失長事祖母及母喪葬畢告墓尋父徒步萬餘里遇族人始知父歿求窆所不得慟欲身殉爲族人強止乃招魂歸葬終身服素未嘗宴笑

歙縣志  
新增

汪道祥休甯人山寇突至母柩在堂不忍去賊執之詰曰何爲不避告以願死不願離母柩側賊稱孝子而去

休甯縣志

吳連休甯廩生母病割股以進山寇至聞有掘墓者奔護親墓遇賊持刃問故以情告賊感而釋之

休甯縣志

朱道聖休甯人祖母卒廬墓有異鳥翔集海賊擾京口兄在危城中馳往則城已陷冒白刃尋之以歸

休甯縣志

王起生婺源人父龍光爲義勇殺賊起生年少匿叢中見父瀕危躍出助戰追刃數人死於陣

婺源縣志

王士傑婺源人順治初山寇至父信盛率鄉勇捍禦瀕危僕拚

死救免後閩寇劫其兄傑冒刃求代旋以計脫偕兄歸

婺源縣志

鄭可祀婺源人年未冠閩寇至衛父母匿山谷遇賊願父母悲

號賊感而釋之兄弟同居無間

婺源縣志

汪鳴驚婺源增生隨父金陵試歸舟覆已扳舵出見父沒復躍

入江越七日抱父屍浮出至今土人名其地曰孝子港

婺源縣志

汪雲光婺源人寇繫其父時年十三號泣請代賊感而釋之

婺源縣志

縣志

程世鐸歙縣人父賈於滇遭吳逆變絕音耗鐸告廟出尋五年

遇於烏蒙奉歸盡養雍正三年

旌表建坊

江南通志

徐應梯休甯人父遠遊流寇亂絕音問者二十年母命之婚曰

兒父何在豈婚時乎卽裹糧尋父足跡半天下至楚偶倦臥夢

重修安徽通志

卷三百三十七

人物志

孝友

二

徽州府



人呼之起曰爾父來亟前行遇一老叟詢其里居卽父也卽日

迎歸

休甯縣志

汪興麟婺源人母爲閩寇掠去徒步往尋不得乃學謳攜鼓拍沿門歌唱與勾爲侶踪跡至泉州其母蓬跣出汲得相遇急負以逃乞食而歸

婺源縣志

張雲鵬績溪人閩賊入城居民駭散父病雲鵬畱侍不肯避賊義之兄弟友愛撫姪如子同邑胡爾英寇至以父病不肯避賊偵知之不入其室

績溪縣志

胡連瑞黟縣人宋乞之亂將殺其父連瑞奔入號泣請代賊感其誠委刃而去父疾衣不解帶孝事繼母讓產推財友愛其兄

黟縣志

張正茂歙縣人父老病躬滌矢溲親調餽餌十餘年不懈嘗買

婢詢知其父無他子卽還之

江南通志

程志溶歙縣人幼弟隨父客蜀相繼歿濬千里奔赴值寇亂卽蜀治喪廬居三載路稍通扶兩輓歸從兄志澤流落四川訪得迎歸志澤歿撫其幼孤二十餘年

徽州府志

趙時腴休甯諸生父死真州徒跣扶輓歸廬墓側析產推多取少又傾囊脫弟奇禍嘗避寇松蘿山賊至走峻阪而墜有大樹承兩股若跌坐然賊驚異之而去

徽州府志

楊國銓黟縣人早喪母事繼母如所生父母繼歿廬墓三年同邑舒拱薇父卒卽葬三年不離墓所

徽州府志

鮑逢昌歙縣人明季父外出無耗順治三年逢昌年十四乞食尋訪相逢於雁門奉以歸母病走桐廬攀懸崖得乳香以調藥而愈乾隆三十九年

旌表建坊

歙縣志

胡茂楠歙縣人明季父賈於閩粵無音耗茂楠往尋徧歷兩省至南安遇一老嫗詢其里居家世告以其父埋骨之所留指滴血以驗置積負骸歸

歙縣志

方如珽歙縣人祖以賈潛山卒明季兵亂槻不得歸如珽志欲往尋其姑少自潛山歸嫁年已七十願同往乃至潛山已迷葬所或言亂後枯骨爲僧所瘞或云某洞有數敝棺復偕姑入洞於鬢鬢亂髮撥出一髻簪姑大慟曰是矣此簪斂時我年十四爲簪之者乃重市棺衾斂而歸葬

歙縣志

王懋璋歙縣人年十四父歿於交趾卽子身往尋至其地號泣三年交人憐之始告以所在然國有厲禁棺不得出懋璋以計給守關者得越境歸

歙縣志

胡師謨歙縣人祖客死淮隻身孤往徧歷荒陬逢老嫗指點得負骸歸同邑江濯龍年未弱冠至江右負其叔父骸歸與從弟數世同居歲饑族有逋賦獨捐金爲之代償

歙縣志

曹美謹歙縣人母孕時父出遠遊美謹年十四卽辭母出尋至河間府避雨茅檐下有訓蒙老人招入詢問卽其父也相向而哭河間人醵金贈歸

歙縣志

鮑得成歙縣人父客死徒步數千里扶櫬歸終身無笑容事母不離左右親滌厠媮病則衣不解帶又嘗繼父志置田贍其族

人歙縣志

仰文炤歙縣人父賈於楚值三藩肆逆無音耗文炤徒跣出尋歷滇黔閩粵乃遇於貴州玉屏縣奉以歸文炤歿厝於淺土遇大水棺漂流其子際球沿流尋覓凡數月始得於錢塘之滸買

舟載歸

歙縣志

汪士奎歙縣人年十五隨父至浙盜夜入室將刃其父亟以身

蔽被重創父得脫而士奎死

歙縣志

倪宗華祁門人康熙閒浮梁賊犯祁父被執宗華往救被殺

列女

節孝倪宗華妻陳氏注

新增

吳尙滋歙縣人遭亂兄弟散失裹糧尋訪數年乃得兄於蕪湖

得弟於廬州迎歸以己田宅均之

歙縣志

許毓僕歙縣人年己六十母病猶割股以進甲寅寇亂毓僕在

豫章官軍剿寇所獲婦女皆爲解囊贖還其家

歙縣志

廖朝宗祁門廩生父病刲股以進弟服買負債朝宗賣己業代

償之

祁門縣志

新增

胡洪波字龍躍祁門人有孝行父任壽州學正洪波畱家事母

聞父訃嘔血死

祁門縣志  
新增

鄭朋錫歙縣人閩寇陷邑時奉母避深谷還家取糧適遇寇將  
開其父棺朋錫伏棺哀號願以身受刃賊感而引去

歙縣志

胡有慶祁門人父卒廬墓三年

徽州府志

江慶月婺源人親歿廬墓三年哀感行路

徽州府志

洪清歙縣人父遠賈病歿時年十三聞訃走千里扶柩歸一夕

夢父促之行亟啟戶出門無幾而邸舍爲盜所焚矣既葬廬墓

三年母卒亦如之

徽州府志

汪廷芳婺源人年十六過山林有鹿遇獵掩而放之明年隨父

入山稍後鹿啣其衣隨之行見父爲虎偪仆於巖直前負之逃

虎熟視掉尾去

婺源縣志

程六德休甯人幼聞塾師說孟宗王裒事輒流涕母病禱天求

代及卒水漿不入口以毀卒

江南通志

程正祥休甯人七歲生母卒哀毀若成人父病疝甚須苧末調酒服山居去市遠祥深夜持炬往路拾紙裏中皆苧也持歸以進得愈人以爲孝感後父卒未葬劫賊焚山祥伏父棺哀號風反火熄賊感歎去雍正二年

旌表建坊

休甯縣志

楊志隆休甯人十歲母病數月不解衣帶及卒哀毀隨父客高淳父被土寇所擒偪金將加刃志隆哀泣請代賊憐而兩釋之

雍正二年

旌表建坊

休甯縣志

楊輝祖休甯人父立正知宜山縣病甚籲天求代父病得瘳宜山屢被猺害父奉命捍禦輝祖挺身入其洞擒其渠魁境賴以

安以積勞成疾卒雍正三年

旌表建坊

休甯縣志

汪龍欵縣人祖客死於蘇父往迎柩復溺於水龍時方六歲及長出覓祖父棺晝夜號泣感神告得之隨扶兩櫬歸葬雍正三年

旌表建坊

江南通志

楊嗣勃休甯人性至孝父疾晝夜不離側從兄爲山賊所擄微服奔壘獻貲求釋賊感之遂得同歸雍正五年

旌表建坊

江南通志

孫鳳翽休甯人少孤力耕負販事祖父母及母甘旨無缺母哭夫失明每晨長跪以舌舐之逾年復明雍正七年

旌表建坊

江南通志



趙熒休甯人八歲侍父疾人稱孝童康熙甲寅避寇榔源潛出

爲父母求食屢櫻賊鋒幸免母疾熒夜禱北辰忽燭光竟天踰

時始散兄弟同居數十年無私財雍正八年

旌表建坊

江南通志  
休甯縣志

金慶治休甯人少時遊學江甯父卒奔喪撫棺一慟幾絕遂誓  
不出遊奉事老母母得末疾不解帶者數載母卒哀毀未幾遂

卒雍正八年

旌表建坊

江南通志  
休甯縣志

汪應乾休甯人三歲喪母稍長展墓悲不自勝繼母病臥應乾

時年十一侍湯藥躬浣滌者踰年不懈父卒哀毀三年不入內

室雍正十年

旌表建坊

休甯  
縣志

朱元儼休甯人父病額天求代母患疽以舌舐之得愈親歿廬墓歸未一月而卒雍正十三年

旌表建坊

江南通志

俞尚賢婺源人母病刲股進得愈父病又刲股進亦得愈及父母卒廬墓七年同邑王景裕父病禱天刲股及卒廬墓三年又俞繼龍胡璋戴貞昶程榮嵩戴文輔戴聖明吳尚忍胡廷梁余端程兆先余德旺張曰玖金鳳翔詹昂元汪國賢方仲戴之麟汪元康王光魯王士煌吳邦慶汪元壖程廷孝江光綜施如俊汪德乾金怡方功宏汪富閭方德侃張廷悅戴有權皆以割股療親聞

婺源縣志

汪元毓婺源人閩寇入里囚元毓勒其父輸金毓呼天大哭賊營忽火得免父病刲股得愈道拾遺金守而還之

婺源縣志

游份儒婺源諸生父為賊得挺身求代賊感而釋之婺源縣志

查兆光婺源人賊掠其里兆光已潛避既而聞弟被執不勝榜

笞奮然回救與賊鬪而死婺源縣志

方日治婺源人隨父入山父為虎攫日治奮力擊虎奪父爪牙

中而走虎尾其後遇救俱免婺源縣志

施世學婺源人性孝友二親及兄弟染癘將危世學左右服侍

三月不怠皆得瘳而亦不染子悅快割股療母疾孫報養祖父

世學病報亦割股療之時有孝行傳家之譽婺源縣志

余元珍婺源人父遊學荊州遇寇亂陷賊元珍兄弟俱欲往尋

其母不許元珍號泣不絕有義僕胡興祿遂與之出鋒鏑中半

載竟得以歸婺源縣志

洪文明婺源人母病刲股進得愈臂與姪世榮拾遺金於道守

而還之

婺源縣志

呂文旦婺源人父疾刲左股進得愈繼母疾又刲右股進亦得愈中寅聞寇擾亂冒險出請

大兵剿寇里獲安堵汪村民攬主帥怒文旦力解得釋保全無算

婺源縣志

胡起蛟婺源人四世同居父疾禱神割股得愈同邑王煥文爓文五世同居食指盈千庭內藹如

婺源縣志

吳汝正歙縣人母病糜股以進病益劇計無復之乃懷刃籲天割左脇肝一片暈絕而甦亟命妻煎之以進得愈同邑王之卿亦以割肝活其母

徽州府志歙縣志

張三愛歙縣人自河南徙母病連年不愈乃剖胸割肝以進得愈由是長齋不娶同邑鄭嘉琯母病聞三愛以割肝效遂詣城

隍神割肝進母亦得愈

徽州府志歙縣志

項繼成歙縣人年十四割股療繼母疾眾欲請旌泣謝曰此非

爲名且不欲令母知之也

江南通志

吳蔚歙縣諸生父病割股終身不使人知後以讀書攻苦致疾

妻潘氏亦割股進竟不愈而卒

歙縣志

鄭肇輅祁門人父病篤額天願代一日以羹進父甘之漸愈後

暑月人見其瘰癧痕始知其割股

祁門縣志

謝廷薦祁門人母病其妻李氏先割股進家人弗知也須臾廷

薦以湯進頃之廷薦之兄廷升又以羹進視之皆肉糜也其相

驚訝母病遂愈

徽州府志

汪應鳴休甯人母病篤焚券千餘金以禱讓遺產於二姪而賃

舍以居者四十年教八子以義方後康熙丙辰患重證第三子

顓割左股進得愈癸亥復病第六子晨割左右兩股進得愈甲子又病顓割右股進不效晨乃復割左右股進得愈晨創甚第七子日昴衣不解帶侍之數月割臂進兄不效第八子日昇又截中指和藥啖之晨終不治眾皆傷之

休甯縣志

詹家琦休甯人母病同妻黃氏先後割股進得愈先是父病其姊接弟割股進得愈接弟竟以創卒後家琦夫妻歿人見創瘢始知之

休甯縣志

黃九經休甯人年十六割股療母不效感傷成疾未幾而卒同邑方士璜兩次割股療母增生吳秉鍾割股以療繼母又潘文默劉元憲吳德榮程聯徵皆以割股救親聞又諸生吳世楫父病割股及卒廬墓

休甯縣志

黃燦休甯附貢父病割股以進嘗攜幼弟山行遇虎以身翼弟

虎熟視之而去

休甯縣志

朱之光黟縣人隨父客六合父病熱狂夜溺於井之光亟躍入

拯之出割股以進遂愈

黟縣志

程首登黟縣歲貢親歿廬墓三年後病篤其子見日割股療之

徽州府志

舒啟標黟縣人母病割雙股療之及卒哭泣三年未嘗見齒同

邑楊榮卿楊懷泉朱永曦余聯振程宗旦史國禎史朝安舒啟

震舒夢龍許選葉凌雲葉榮濟黃琳皆以割股救親聞

徽州府志

汪琦黟縣庠生父病嘗糞割股及歿琦以哀毀卒同邑汪世額

割股療母不效亦以毀卒

黟縣志

汪鉞黟縣人年十四割股愈母病及年四十七復割股愈父疾

同邑庠生朱功懋嘗割股療母疾

黟縣志

吳嘉會黟縣人其祖德宜官光祿署丞卒於郡父方撝疾嘉會  
子身入都扶輓歸葬父疾刲股以進及卒哀毀念從弟二人久  
客無踪父疾因之而起服除後周行數省尋之歸讓產授室黟志

方瑞合績溪人父病刲股兩次繼母疾又刲股撫姪如子弟有  
急難救之七日不就枕平居恤孤寡助嫁娶捐資全人夫婦義  
行甚多績溪縣志

胡如潢績溪諸生兩次割股療親疾與弟同爨數十年歲歉捐  
賑代償官逋同邑馮世芳胡良知汪夢熊馮可守胡光倫胡文  
顯馮世標馮泰宗洪茂盛汪仲誠汪啟遠陳有昊張國善汪時  
修周啟樹胡允溥章承星汪光杰庠生汪煜皆以親疾割股聞  
績溪縣志



洪廷素祁門人兄廷廣遭奇冤將入獄廷素自豫章歸不入門

卽赴公庭自代後幸以事白釋

祁門縣志

汪燧祁門人母患乳癰醫治不效燧以口吮之而痊

祁門縣志

汪銘璜歙縣人生數月傳聞父死於淮母陳氏遂自經育於祖母許氏許病割股進得愈後聞父在走千里奉歸子澣亦割股療母病澣之子琳幼時與姊同割股以療母病姊後適葉氏復割股療其夫遂以創卒

歙縣志

鮑鍾謙歙縣人割股療母子繼孝亦割股療鍾謙病其妹桂如隨其夫僑居溧陽聞鍾謙病割股和藥送至姊官如與弟繼志皆割股以療母

歙縣志

汪嘉歙縣諸生割股療母父病又割右臂時弟諸生泰毅不謀於兄嘉妻黃氏不告於夫各割股進父遂愈同邑程士璿傭於

膠州聞母病割股爲丸寄家命妻凌氏潛進而凌已先割股和糜以進姑矣母病遂愈凌在室時蓋嘗割股以療其母者

歙縣志

金長洪歙縣人嘗割股以療其母子標亦割股以療母同邑張慶曾項敬丙吳子灝許以誠曹獻瑞皆以割股療親聞又汪逢源先割股以療兄後割股以療母其子國棟亦割股以療父葉一鈴割股療母其子永禮亦割股療父項兆鑲割股以療伯父

吳立朝割股以療祖父吳厚力吳宗孔皆割股以療祖母

歙縣志

羅熊歙縣人與其弟祥俱割股救親祥以不效復裂左脇取肝親愈而創亦無恙

歙縣志

宋錦汪天錦鄭之生葉啟佳吳焜江山永皆歙縣人並在童年割股以救親同邑吳祚貞宋在相兩次割股以救親程大順前後割股以愈二親又徐璋玉謝如標阮經灝羅鑽汪家權黃居

先胡士講汪長明汪玉龍黃恆程國柱洪如璋羅元祖汪可越  
鄭崑賀銘東畢滋大項大德程斯覺程應進汪士道曹穀巴維  
錫宋在仕葉志仁洪廷憲鮑逢昌鮑起龍畢法龍鮑昌楊廷樾  
黃士能方文業鮑浩源鮑李壽王秉和程之標羅世靖汪大海  
鮑嘉賓江如璉皆以割股救親聞

歙縣志

江大瑾歙縣人年十四母病衣不解帶割股和藥以進及卒廬  
墓同邑胡汝端割股療父及卒廬墓三載又洪德常繼母喪廬  
墓姚啟語樵薪者父歿廬墓終身又許朝邊張濤許旭齡鄭錫  
汝皆以親歿廬墓聞又程其祿居母喪廬墓土室衣衾被竊夜  
臥荒草中風雪橫侵蛇驚盜縛數鄰於死不改其心凡十有四  
年卒於墓所

歙縣志

章泰啟績溪人與弟泰岱泰定皆割股療母其母汪固嘗割股

療姑疾者孝母生孝子也

績溪縣志

汪若金績溪庠生父病刲股進得愈母病偕妻刲股進亦得愈同邑陳鉉興刲股以愈母疾子文永亦刲股愈鉉興疾又廩生唐大成刲股療父又刲股療母曹均可刲股療母

績溪縣志

胡颿績溪庠生母病刲股療之與兄析居推金讓兄嘗捐重資修路又修白里靑虹二橋同邑周春亮刲股療父建義冢茶亭施棺焚券義行甚多又章瑞熹父病再刲股兄弟同居無閒卹族焚券義不勝舉

績溪縣志

王士玉績溪人割肝愈祖母疾

績溪縣志

胡光敕績溪人兄光整光敏早歿父病光敕刲股母病光整妻曹光敏妻王皆刲股王病子大儒刲股曹病媳曹刲股光敕病

子大連刲股一門之內孝行相仍

績溪縣志

洪文功績溪人負薪養親父病刲股及歿廬墓哀泣披草露宿

虎爲遠避

績溪縣志

汪文求績溪人五歲喪父事母至孝母病臥榻下不解帶者兩年及卒廬墓異蛇盤於廬側不爲動三年後歸遇忌日悲哀終

其身

績溪縣志

吳汝琨祁門諸生母病不解帶三年其弟汝珽刲股療父疾汝琨嘗拾遺金二百兩告官貯庫後失金者至爲白官還之汝琨

客鳩茲捐金成浮橋姪儀法童時刲股以愈母疾

徽州府志祁門縣志

汪起謚歙縣人仲兄以朋黨牽連在獄起謚隨侍凡七年舉京

兆鄉試兄死扶柩歸不復進取

歙縣志

王基嘉歙縣人父採薪爲虎所攫基嘉持彎刀逐虎從虎口中奪父歸須臾虎復來攫基嘉復與之奪虎釋其父而傷基嘉遂

死徽州通志

汪之縉婺源人負薪養親父病疫縉與妻陶氏禱天割股進得愈未幾母疾縉復割股以愈之婺源縣志

汪國勳婺源人祖母朱疾刲股療之得愈朱蓋嘗刲股療其姑者婺源縣志

吳金芝婺源人父疾刲股療之母病渴臘月思梨不可得忽遇一道士贈以二梨人以爲孝感婺源縣志

汪嘉賜婺源人年十三母疾刲股療之兄患疽求醫數百里外冒大風雨入深山爲采藥婺源縣志

戴寄婺源人年十四刲左股療母疾父病又刲右股療之家不戒於火寄適在外衝火入負母久不出人疑其死火熄聞井中呼聲乃寄與母也婺源縣志

董起庠婺源人親疾刲股及卒廬墓三年

婺源縣志

胡慶珪婺源人嘗割股以療母疾子天源孫有權皆割股療親同邑俞文成父疾再割股以療得愈程敦本母疾再割股以療得愈又施用悅詹應焜皆以割股救親聞

婺源縣志

張五綸婺源人繼母病篤割股祈禱得愈及卒廬墓又孝童董

昌真戴逢洽董錚皆割股救親而詹茂誠養子光裕割股療母

尤爲難得

婺源縣志

潘光烈婺源人其父自鄰村回山水暴漲失足墮水光烈聞之沿溪奔救中流見父浮沈遂躍赴水越日見其屍猶手抱父不

釋

婺源縣志

汪元耿婺源人館於外閭里中不戒於火急馳歸正熱及其屋冒烟負母出復入取父遺像鬚眉皆毀兄傭工泰興而歿往返

三千餘里負遺骸以歸

婺源縣志

戴爲穀休甯人家於吳興嘗與兄泛舟菱湖舟覆漁者援之呼

曰先救吾兄兄起而爲穀漂泊淺渚得全

休甯縣志

汪源樹歙縣人父病日至呂祖祠禱神求代凡七日不食一夕夢髯而黃冠者語之曰汝父生矣父果愈源樹隨攫疾死之日惟曰父生吾含笑地下矣

歙縣志

王鴻疑婺源庠生父患脇醫云雁血可療一日夜走數百里得活雁以歸及卒哀毀廬墓三年同邑增生潘鍾齊庠生汪昉諸生王光祖又程起相程文炎施世提潘世鈞查昭王黃大富金時烘李秉紋皆以廬墓三年聞

婺源縣志

方時熙婺源人嫡母歿廬墓三載猛虎毒蛇皆不爲害廬旁澗

泉忽溢以供烹汲今稱孝子泉

婺源縣志



金肇基休甯人三歲時母爲捉蠱白母曰兒喫母乳無異蝨喫

兒血遂自斷乳親歿廬墓三年山故多虎自是遺跡

江南通志

余宗濂休甯人幼失怙事母孝母卒廬墓蛇虎遺跡以哀毀甚

卒於廬同邑黃興教親沒廬墓三年亦以哀毀卒

休甯縣志

張本休甯諸生性孝友業賈所得供父母外悉均諸兄弟不自

私父母繼歿廬墓四年

休甯縣志

王士汲歙縣人康熙戊午隨父往四川販木中途遇盜將殺其

父士汲哀泣求代盜釋之曰看汝年輕竟能知孝奉父歸以重

驚致病卒

歙縣志

許龍歙縣人家貧同弟樵采以供母弟爲虎所攫盡力搏虎奪

屍負之且拒且走得脫

歙縣志

許公珩歙縣人從父舟行父失足墜水倉皇躍入拯之父出水

而公珩力竭死

歙縣志

許起鵬歙縣人常負米江淮閒刻期歸侍適往江右聞母有病

兼程馳回而母已歿遂一慟而絕

歙縣志

王圻黟縣增生父疾坐臥不離側欣戚必視父顏及歿哀毀柴立五舉優一舉孝廉方正爲時所重

黟縣志

汪浩歙縣人嘗往漢口父病亟歸舟至中流風大作浩痛不見父仰天一號風止得達岸視檣已橫裂矣同邑曹士國九歲時父客死池州卽往迎柩方出口風浪大作檣傾舵折士國撫棺一慟舟如箭發瞬息達岸舉舟相慶曰非孝子在葬魚腹矣後母歿士國年已七十猶作孺子泣

歙縣志

汪元倫歙縣人兄元福爲舟人所害訪之三年得其姓名告官搜捕猶有元福行李帳記冤始得伸而元倫亦瘁而死元福子

時爵扶其柩歸

新縣志

張日光績溪人父病衣不解帶者五年母卒廬墓三年不茹葷酒同邑程瑜父得痺疾服勤六年及卒廬墓三年又諸生曹雅

範亦以親歿廬墓聞

績溪縣志

何嘉騰黟縣人母病篤刲股以療及卒廬墓三年既歸仍刻像事之同邑歲貢葉其荃親歿廬墓三年又吳伯貞李兆舉皆以

親歿廬墓聞

黟縣志

方振聲黟縣貢生事母極孝母程氏壽百有二歲爲

聖朝人瑞建貞壽坊西武嶺上

黟縣志

余海山黟縣人於休甯編竹爲業母卒葬於休廬墓盡禮乾隆

戊申大水漂棺捐資埋骨無數同邑余世光父死廣東奔赴扶

輓歸廬於墓側

黟縣志

汪楚麟休甯人幼時父遠出常以不得見爲恨後知客死雲夢  
裹糧行數千里尋見後母及弟扶父棺而還過楚江遇風舟幾  
覆同舟十餘人夜夢神語曰汝輩當危賴汪孝子以免覺而言  
皆合

休甯縣志

吳宏祥休甯人父遠貿無耗母病割股者再得愈每欲尋父母  
以無他兄弟輒不許及母卒決計往尋經歷險阻十餘年卒奉  
父以歸

休甯縣志

吳鵬休甯人父貿易妻東病卒友爲葬之鵬時甫六齡卽知哀  
念比長母代謀婚娶鵬泣請尋父歸然後授室比至妻東父友  
零落杳不得耗以母病馳歸踰年再往晨夕泣尋目幾瞽夜夢  
父曰欲得吾棺惟王姓者知之乃徧行荒野遇王姓卽問終不  
得一日遇虎爲獵者所救問之王姓也泣以情告乃卽當日父

友所僱舁棺者也遂得柩歸

休甯縣志

吳先民休甯人父遊不歸先民年十五卽孑身往尋歷數省出

塞而北乃得父奉歸無何父仍出卒於外先民復徒跣往負父

骨歸

休甯縣志

詹文錫婺源人父遠遊不歸文錫年十七誓欲尋親歷楚蜀至

滇不得哀號震天夢神告以當速往貴州乃走百里附商舶兀

坐長吁商疑問以情告商曰汝吾子也相持哭乃偕眷屬俱歸

後積資頗裕承父命至蜀重慶界涪合處有險道曰驚夢灘捐

數千金鑿山開之舟陸皆便當事嘉其行為勒石曰詹商嶺

婺源縣志

縣志

仰良枚歙縣人幼孤奉母至孝乾隆乙卯舉家病疫枚偕妻汪

氏禱神願以身代母旬日汪暴卒枚亦不復娶

歙縣志新増

張玉鑑歙縣人康熙四十三年刲股療祖母疾張祚壽雍正十一年刲股療伯父母張立松乾隆四十七年刲股療本生父俱

愈

歙縣志  
新編

金長洪字師林歙縣人嘗割臂肉以療母疾弟病走百里外求醫足爲之繭壯年喪妻終身不復娶徽州知府舉爲鄉飲大賓

傳

劉大槐撰  
新編

鮑光明歙縣人三歲失怙事母孝每出遊必詣父墓泣告而去母歿終身不見笑容乾隆二年

旌表建坊鮑增光明子也孝如其父父歿廬墓三年母歿旣葬哀毀而卒乾隆十四年

旌表建坊

歙縣志

倪廷松黟縣貢生隨父寓常州父病衣不解帶及卒扶柩歸葬

廬墓三年事母孝撫庶弟成立乾隆三年

旌表建坊

縣志

朱麗新休甯人常隨父寓道院山寇竊發麗新爲賊所擊以衛父不顧父卒終身不御酒肉乾隆三年

旌表建坊

休甯縣志

金啟輝休甯人早失怙母病噎跬步不離及卒哀毀廬墓三年乾隆八年

旌表建坊

休甯縣志

金正顯休甯人父僑居金陵顯甫九齡父卒哀毀如成人母思欲歸葬而力不逮乃拮据扶父柩歸夜停露處匍匐其旁不入旅店寢宿乾隆十年

旌表建坊

休甯縣志

方輔休甯附生父病痢夜數十起輔衣不解帶者兩月及卒哀毀骨立父愛吳山水謂死必葬焉乃遵遺命奉母柩合葬吳蒸山廬墓三年乾隆十六年

旌表建坊

休甯縣志

章遠績溪歲貢母喪哀毀父卒三年衰經不去身終身不御酒肉事伯兄如父仲染疫奉侍不離仲卒撫其二子成立選甘泉訓導未任卒乾隆二十五年

旌表建坊

績溪縣志

周雲驛績溪人父歿廬墓兄促之歸不從嘗夜獲竊者贈金遣之其人感激改行乾隆二十五年

旌表建坊

績溪縣志

胡挺績溪諸生父祖繼歿廬墓三年不忍去母病籲天求代得



愈平居振興文社修路施藥歲凶平糶義行甚多乾隆二十五年

旌表建坊

續漢縣志

汪學順婺源人母病瞽朝夕吮舐復明及卒未殯鄰火延及抱柩哀號風反火息既葬廬墓虎嘯鬼啼不爲動兄卒撫姪成立拾遺金守而還之乾隆二十七年

旌表建坊

婺源縣志

吳曰連休甯人年十三父客楚音問不通祖老且貧樵採以養及卒廬墓楚有夏逆之亂爾足千里冒險尋父遇賊受傷泣以情告賊義而釋之得遇父奉以歸父卒治喪廬墓如祖時乾隆二十七年

旌表建坊

休甯縣志

王鴻岸婺源人幼出嗣生父病目求免糞星夜入山得藥歸父  
目得痊母病劇禱天求代母愈而鴻岸卒乾隆三十七年

旌表建坊

婺源縣志

許永科婺源庠生父病嘗糞以卜吉凶母病衣不解帶者四旬  
得痊父母繼歿廬墓六年乾隆三十七年

旌表建坊

婺源縣志

汪士銓休甯人生時父貿易潛山財被劫不得歸士銓十齡未  
見父稍長請母往尋得迎歸父病疫籲天求代額如墳起父得  
愈乾隆三十八年

旌表建坊

休甯縣志

胡紳黟縣附貢父光祖好義紳每先意力成之母患瞽晨夕祝  
天以舌砥之兩月復明乾隆四十一年

旌表建坊

縣志

施用烜婺源人父病嘗糞以卜母病篤晝夜撫摩廁牕之役皆躬親之父母繼歿水漿不入口者數日既葬廬墓哀感行路乾隆四十九年

旌表建坊

婺源縣志

汪肇正休甯諸生家貧遠出祖病危倉皇馳歸越險避賊僅以身免父兩遭病晝夜露禱額破血流得愈方父病時室延鄰火冒烟負父扶母以出仰天一號風止火息父卒廬墓三年乾隆五十二年

旌表建坊

休甯縣志

胡洋休甯人父客外時年僅九齡事祖委曲承歡以代父職聞父病千里迎歸盡誠侍疾父歿欲以身殉母曰如我何乃銜哀

終養撫孤姪如己子門無閒言乾隆閒

旌表建坊

休甯縣志

章逢詔績溪人隨舅氏客於宣忽心動晝夜馳歸母適患疽顙天祈禱旋得異授靈膏而愈親喪哀毀鄰里感泣友愛昆弟拯貧卹族歲歛雖力不足必多方輸金以助賑乾隆五十八年

旌表建坊

績溪縣志

程肇光休甯人母卒哀慟嘔血出質松江聞父病歲暮風雪舟楫不通千里徒步歸季弟生數歲失母命妻養之長分己產與之松江及本郡歲歛皆捐金以賑全活甚眾卒祀鄉賢

休甯縣志

汪樸休甯人父失明舌舐三年遂得復

休甯縣志

汪文時休甯人少失怙傭工西江忽心動一夜走二百餘里歸母適病疽以口吮之得愈

休甯縣志

重修安徽通志

卷三百三十七

人物志

孝友

三

徽州府

程文瓚婺源人冬日母病思食鮮鮓往釣忽得巨魚父患痔癰

以口吹藥親污穢四十餘日得愈

婺源縣志

胡清燾績溪增生父廷璣兄弟六人同居稱孝友之門燾率而行之取常棣之義建直然堂合昆弟子姪講習其中輯孝思錄以訓迪後人一門皆遵其教

績溪縣志

王士武婺源人母失明與妻程朝夕吮舐七載得復同邑呂維球鬻薪養母三十年不懈母病目以舌舐之得愈又諸生張錦屏亦舐母目得明

婺源縣志

洪夢蘭婺源人母病禱天求代得愈父患前閉從醫言跪而吮其陰數十日得痊同邑王廷亨父病發背以舌吮其積癰而痊

婺源縣志

程昌貢婺源諸生母患疽以口吮毒而愈

婺源縣志

余文熾黟縣人父老病腸瘡出吮之而愈

黟縣志

金宗耀黟縣貢生父目瞽舐之而明母病癰吮之亦愈同邑傅有通父患疽吮之立愈母得風疾撻有通往往流血而不離左

右

黟縣志

周廣涵績溪貢生父病目瞽不效以舌舐之日數次頓愈

績溪縣志

葉仕年休甯人四齡喪父朔望必衣冠禮諸昆曰吾不得事親事兄所以事親也兄鵬年病危割股以療弟壽年早卒一念及輒奔至墓所哀泣庭前有紫薇樹忽生連理枝焉

休甯縣志

汪瓊生休甯人父久出肩販四方尋之遇於池州大通鎮因賃居焉父病割股以進及卒權厝空地日出市販夜宿柩旁鎮人爲之感動

休甯縣志

汪雲休甯庠生母病割股療之得愈同邑汪士鸞母病割股者

再得愈又程鐸吳紹聖陳國正金應宿詹大全金鳴玉徐有紱  
徐邦華姚齊賢朱家元程義山吳尚彩胡奕垣王澤吳文元朱  
紱程必慧吳應錫吳士連汪德輝汪居敬黃喜林皆以割股救

親聞

休甯縣志

孫文鳳休甯人客於外遇盜將殺之泣曰死不足惜恨家有老  
母無人供養耳盜感而釋之母病刲股以進及卒廬墓三年

休甯縣志

縣志

陳光祁門諸生割股療母子尚仰諸生割股療父曾孫宗瑚割  
股療母同邑增生汪有源母病扶持三年割股以進得愈  
畢求賜婺源人畢重陽之養子後親生二子而卒求賜傭工以  
養母弟己不娶而為二弟畢婚母病割股以進母卒不數月亦

以毀卒

婺源縣志

汪文經婺源諸生與弟庠生文緯並孝友母病兄弟皆割股以進得愈同邑施蛟騰詹萬桃施倬朱良楫詹揚烈吳世緒皆以割股救親聞

婺源縣志

程勣績溪諸生父疾劇割股以進得愈同邑胡承德胡承愨章傳槐葛恩皆以割股救親聞

績溪縣志

范世錦黟縣人父病割右股進得愈母病復割左股進嘗糞以卜吉凶竟不起世錦哀毀而卒

黟縣志

謝文昌祁門人母病醫不效泣曰吾極知身體髮膚不敢毀傷今無可如何矣遂割股進得愈

祁門縣志

饒梁棟祁門增生母病割股以進及喪廬墓一年而卒

祁門縣志

汪朝溱祁門人父卒廬墓服闋哀毀而卒同邑倪昭盛胡光灝皆以廬墓聞

祁門縣志



韓社忠黟縣人少孤性至孝家貧無恆產旬以養母每食必歌  
侑之母歡笑乃已嘗埋巨甕牀下封其口若齧筒狀投錢其中  
積數十年母歿出以治喪如禮既葬以哀毀卒黟縣志

余大來黟縣人父歿於外聞訃奔赴徒跣千里扶柩歸母病癰  
不離左右以貢當選十年不赴黟縣志

江元標婺源人乾隆甲子大水壞廬墓母棺漂失沿河號泣至  
水不可涉處迂道入山遇虎不避竟得母棺以歸婺源縣志

王文榮婺源諸生幼失怙恃隨伯父貿易事之如父堂兄弟皆  
如同胞伯年老與從弟文燿共秉家政六世同居數百指上和  
睦人無私財婺源縣志

孫大楞婺源貢生年十三時父病瘡恍惚中有命其至歛求醫  
者既夜行數十里得方歸後居喪廬墓哀感行人婺源縣志

余兆英婺源人侍父僑居山東父卒借停古寺宿柩旁三年扶  
輓歸抵淮南遇風舟覆自繫於棺誓以身殉中流遇漁舟拯之  
得免後援例應選以母老不赴侍養終身

婺源縣志

程繼成休甯人生五歲父出外十餘載無音耗繼成甫冠子身  
往尋三年乃遇諸六合奉以歸同族程廷誥三歲失恃育於祖  
母父祖俱遠遊無蹤稍長往尋偏歷諸艱至四川榮經縣訪得  
繼母及二弟而父祖俱歿不能歸輓乃負土成墳歸侍祖母及  
卒哀毀骨立

休甯縣志

程璵休甯人季父卒撫從弟瑾成人授室同之貿易歸舟過錫  
山璵墮水瑾救之璵出而瑾死璵又復入救爲眾所阻乃撈屍  
扶棺歸葬爲之立後給重貲以養其母復自投於河而死

休甯縣志

胡家昇績溪人兄弟友愛三世同居同邑周郁兄樓居夜不戒

於火郁赤身赴救兄得不死而郁鬚髮皆燼

績溪縣志

章亮績溪人少失恃採薪以養初繼母擊破其頭亮以血塗磧

父問亮云跌損母後感悔

績溪縣志

章國金績溪人賈於蘇忽心動馳歸父病已不可爲及卒哀慟

幾絕廬墓三年同邑許良廷父卒廬墓不入內室

績溪縣志

汪有祺績溪人父客死漢陽祺欲往尋祖以其少不許及長至

漢江徧訪有僧告之得負骸歸過湖口舟覆抱筭出沒於波濤

中不肯釋遇救得免同舟皆死祺獨得負骸歸葬

績溪縣志

江宗寅歙縣人年七歲父患疽以口吸毒而愈

歙縣志

江有容歙縣諸生隨父客鳩茲父怯渡橋必負以往返後歸應

試聞父病星夜奔回遇虎竟過又心急墜水漂流數里得不死

尋奉父歸無舟車費背負以行巡撫福慶

接縣志補名按職官表不載

爲請

旌表建坊

歙縣志

洪運錦歙縣人父病須葛獨夜入深山採之遇虎不害父歿廬墓三年同邑吳庭昌父重華患噎思食鯽時大雪嚴寒敲層冰入水得鯽以歸母染厲醫藥不效割股以進得差又嘗代人償逋全其夫婦建二石橋以利行人稱貸不能償輒焚其券歙縣志程步矩歙縣庠生早喪父哀毀骨立母疾剜臂和藥以進得愈以子昌期

封通奉大夫翰林院侍讀學士

歙縣志

汪啟淞歙縣人父病割股以進及卒痛不欲生同邑葉士文年十二母病癱左右侍奉滌濯垢污五年不懈母歿侍父十九年未嘗離左右其家人皆言其嘗割股奉母而士文諱之甚力歙縣志

汪本耀歙縣人隨父邦進客湖南父病割股以進得愈其後邦進家居病篤次子本輝亦割股進得愈兄弟最友愛耀生子而妻歿輝命其妻舍女而乳姪耀卒輝撫姪過於己子姪病篤額神請以子代輝後以經歷分發湖北兩署歸州知州歷任皆有惠政

歙縣志

葉敷歙縣廩生博學多才性孝友兄以疫卒持喪悉以古禮自律逾月母又歿伏尸痛哭晝夜不絕聲旣殯繞棺痛泣閱三十日竟以身殉

歙縣志

程世燦歙縣人與弟世煒過箬嶺弟爲虎攫燦奪弟於虎口得免

歙縣志

畢致壽歙縣諸生貿易揚州聞母病急歸值大雪同行者皆止宿致壽匍匐夜上新嶺有虎踞地目光如炬致壽不顧直過其

前虎亦不之顧也到家母氣已絕致壽以口引氣得復生

歙縣志

胡如楷歙縣人五歲時父出遊十二年不歸如楷逾漢入蜀往

返萬餘里尋之不值後遇一僧於中江縣知其父在幕遂請以

歸令餞之江滸父失足墜水楷躍從之抱持以出得俱免

歙縣志

許紹修黟縣人兄紹僕客死蜀中紹修年六十餘潛然曰不及

吾身往覓兄骨不得歸矣母資入蜀函其骨歸

黟縣志

吳立循黟縣人母疾刲股以進得愈父又病篤醫治罔效潛持

刃赴石硯山寺刺脅取肝爲僧所覺奪刀推出遂下至靈官殿

碎其資石香爐取銛利者挖出肝一片歸而和藥進之父病頓

愈

歙縣志

黃山雲歙縣人父疇官四川筠連縣典史罷任貧不能歸山雲

萬里往迎侍養半載父歿扶柩攜庶母所出弟妹南還江中遇

風舟將覆撫棺痛哭風浪頓息

歙縣志

曹榮字以年歙縣歲貢兄泉賈揚州以事成陝西榮星夜馳往欲隨行兄以母老不許相與泣涕一晝夜雞鳴時官吏促行慟幾絕自是每聞雞鳴卽泣下終其身

歙縣志

胡士畿歙縣人父賈湖南久未歸士畿襆被往尋遍歷數省不見沿途號泣夢神指示得遇舊僕始知父所乃奉以歸

歙縣志

程宏玉歙縣人父常病臥鄰火延及急負父出適當火衝徒手奮撲竟得無恙嘉慶九年

旌表建坊

歙縣志

王天寶歙縣人代父遠戍山西天城衛

歙縣志

施道浩婺源人母歿哀毀幾絕父年躋大耋浩定省溫清數十年如一日兄弟三人同居無閒妻亡鰥居三十七載不再娶嘉

慶十五年

旌表建坊

婺源縣志

詹勝洸婺源人年十四父歿於濟南兼程馳往憑棺擗踊哀毀骨立扶輿歸葬哀感途人母患目以舌舐之閱月而痊又病癰撫摩十四載日夕不懈及卒廬墓三年道光二年

旌表建坊

婺源縣志

汪烈黟縣增生事嫡母孝友愛諸弟居親喪三年不入內室工翰墨書法米南宮人爭寶之

黟縣志

程徙南祁門諸生母疾割股以進及卒廬墓以哀毀卒同邑貢生葉儒林割股療父母卒廬墓三年又方邦楨父病割左股母病又割右股父年九十八扶持調護維謹父母卒皆廬墓三年

祁門縣志



謝必鳴祁門廩生母病割股療之得愈同邑鄭作耘倪國襄倪國琳倪昭茂王兆尊周學濂程國玕李尚義胡尚謨汪福標皆以割股救親聞

祁門縣志

程汝琦祁門人方童時父病割股療之

祁門縣志

張燾字乾暉祁門人嘉慶戊辰舉人年十五時嫡母病疽燾以口吮之數月而瘳父歿二弟俱幼養而訓之皆得成立

祁門縣志

邱啟立祁門人賈而知義嘗偕姪販茶湖口姪舟覆急懸重賞救之姪以貨物盡失痛不欲生啟立遂以己茶一船盡予之

祁門縣志

縣志

許元亨祁門人父目瞽日夕扶持病疽侍藥累月不解帶嘗為堂兄置妾生子撫之成立分己產二千金與之

祁門縣志

董朝紱字補廷婺源廩貢歷署涇縣銅陵教諭訓導所至士人

愛慕家居孝友事父能先意承志昆季多早歿撫姪如子教養  
逾於所生故諸姪多得其力相繼入詞館以父老不復出仕杜  
門侍養孺慕終身

婺源縣志

鄭通授字伯卿祁門廩生居父喪三年不入內室弟客死粵東  
走數千里以其柩歸養姪於家撫之如子道光元年舉孝廉方  
正以知縣分發山東攝黃縣篆有清名卒於官

祁門縣志

程永傳婺源人四歲時父出外不歸永傳未弱冠往尋徧歷艱  
險入蜀得父墓乃扶櫬歸家居事祖如事其親侍叔如侍其父  
鄉里稱之道光六年以孝行

旌表舊志

施翮婺源庠生孝事父母雙親繼母事之如生道光六年以孝  
行

旌表  
舊志

張廷稿婺源人室被火家人俱逃母年九十不得出廷稿以衣浸水冒火入將溼衣蒙母頭負以出母獲全而廷稿皮肉焦爛半月而卒

婺源縣志

汪金元婺源人室遭鄰火已負父母出復冒火入負叔祖母又出矣見叔父叔母及叔幼子不得脫與妻余氏同入竟俱焚死合族傷之

婺源縣志

臧清傑婺源人性至孝母歿廬墓父不許及居父喪廬墓逾年以繼母病劇遂歸侍繼母又卒廬守墓六載始歸不入內不飲酒終其身同邑程成瓊齊淑詢洪世諒胡士望皆以親歿廬墓

聞  
婺源縣志

齊淑珺婺源諸生母疾醫不效珺私禱神割股和藥以進得愈

同邑汪紹釗父病劇割股療之二人皆嘗出資全人夫婦者又同邑程奇煊汪士達詹兆祀宋振旬汪復榮皆以親疾割股聞至俞聞文割股以咱弟行過乎中事越乎常雖動於真忱而不自知殆未可爲則云

婺源縣志

程德言字豈凡婺源庠生父患膈需牛乳言僅有田數畝盡賣以易牛躬自芻牧旦夕掬乳以進疾漸瘥父方冬思魚不可得言踏雪四十餘里覓畜魚家而池冰不可網言卽解衣破冰入取魚歸父遂大痊

婺源縣志

詹洎婺源諸生父喪明委洎家政纖毫不自私父欲析產慮三子讀書不善治生洎卽取己下二千金以益之後弟業漸落父曰果如所慮洎又益之如前終不給洎遂以己產易弟產焉

婺源縣志

縣志

張起珪婺源人年二十從父出父失足墜水珪卽躍入抱救得

免宅焚不顧財物投烈燄中抱神主出命幾殆

婺源縣志

王起鍾婺源人宅焚母老病臥牀起鍾從火光中負母突出室

已焚死二人而母子俱幸免

婺源縣志

王邦傑婺源諸生早失恃弟甫十齡邦傑攜之寢處如乳母嘗

從父自金陵歸父失足落江傑卽躍入抱父蕩半里許遇他舟

救之得俱生

婺源縣志

潘芹婺源人四歲時人與之柑不食歸遺祖母眾皆奇之父病

卒於外扶輿歸里人謂不宜入門芹慟哭不聽舁入正寢母病

目障日夜舐之竟得復明

婺源縣志

余一新字與堂婺源庠生仲兄病篤晝夜祈禱額爲之腫室夜

失火一新驚覺出房鬚髮已焦灼復冒烈燄突入母房負之出

樓隨傾倒母幸得免而一新以火氣攻心失音旋卒

婺源縣志

余循遂婺源人年十三隨父賈於休父失足墜水躍入抱之山河迅速流一里許得漁人救起見者異焉母中風醫不效禱天求代竟得愈

婺源縣志  
以上舊志